

Datum 22.05.2018. godine

PRO-Budućnost - Naši razgovori
„Uloga lokalnih vlasti u izgradnji razumijevanja i povjerenja“
Mjesto: Goražde, Velika sala zgrade Gradske uprave Goražde
Datum: 30.05.2018.godine
Vrijeme: 11:00h

Poštovani,

pozivamo Vas da date svoj doprinos i učestvujete na diskusiji "Naši razgovori", koja će ponuditi odgovore na temu „**Uloga lokalnih vlasti u izgradnji razumijevanja i povjerenja**“

Diskusija je organizovana u okviru projekta Američke agencije za međunarodni razvoj (USAID) "PRO-Budućnost", koji implementira Catholic Relief Services (CRS) u saradnji sa Caritasom Bosne i Hercegovine, Forumom građana Tuzle, Helsinškim parlamentom građana Banja Luka, Međureligijskim vijećem u BiH, Institutom za razvoj mladih KULT i Nansen dijalog centrom Mostar.

Očekuje se učešće **gradonačelnika/načelnika Goražda, Foče, Foče u FBiH i Novog Goražda, poslanika u PSBiH i NSRS, predsjedavajućih općinskih vijeća i predsjednika skupština opština, medija, vjerskih zajednica, nevladinih organizacija, obrazovnih institucija i predstavnika poslovnog sektora iz četiri općine/opštine**. Moderator diskusije je: **Vehid Šehić, predsjednik Foruma građana Tuzle**.

Cilj "Naših razgovora" je okupljanje ključnih donosilaca odluka na lokalnom nivou i njihovo aktivno učešće u otvorenoj diskusiji, kako bi se uticalo na njihov senzibilitet i povećala odgovornost prema dugoročnim izazovima i problemima s kojima se konstantno suočavaju lokalne zajednice, kako bi se, gradeći na međusobnom povjerenju, usmjerile prema otvorenosti, inkluzivnosti i poticanju aktivizma građana. Pored navedene teme, na „Našim razgovorima“ razgovarat ćemo i o položaju povratničkih grupa i nacionalnih manjina i o drugim pitanjima aktuelnim u lokalnim zajednicama.

Projekat PRO-Budućnost već petu godinu djeluje u više od 60 lokalnih zajednica u Bosni i Hercegovini. U trenutnoj fazi, nastoji se osigurati da pomirenje i ojačano povjerenje među građanima i narodima vode ka pozitivnim društvenim promjenama širom zemlje, kroz svrsishodan rad s ključnim društvenim akterima, obrazovnim institucijama i građanima.

Molimo Vas da svoje učešće potvrdite putem e-maila daniyel@forumtz.org ili putem telefona 061/408 – 423.

Radujemo se vašem dolasku.

Vehid Šehić, predsjednik Foruma građana Tuzle